

文殊菩薩獻佛陀羅尼名烏蘇吒

時佛敕阿難，為未來沒苦眾生，廣宣流布。時文殊菩薩先說偈言：

一切眾生類 迴沒姪鬼界 無能覺之者
唯我能救拔 永斷生死本 普處寂滅樂

即說陀羅尼曰：

爾利(引)爾利(引)底唎(二合)瑟拏(二合引)鄔拙達鄔拙達底唎(二合)瑟拏(二合引)度(引)度(引)耶底唎(二合)瑟拏(二合引)俱吒俱吒底唎(二合)瑟拏(二合引)慕(引)盧(引)砌(引)陀底唎(二合)瑟拏(二合引)都嚕(二合)吒呢(引)都嚕(二合)吒呢(引)底唎(二合)瑟拏(二合引)烏(引)數烏(引)數底唎(二合)瑟拏(二合引)耶旻闍(引)耶旻闍(引)底唎(二合)瑟拏(二合引)佉灑(二合)焰迦嚩(引)薩嚩(二合引)訶(引)

Ni-rī ni-rī ṭṣṇā, uc-cheda uc-cheda ṭṣṇā, dhū-dhūya ṭṣṇā, kuṭṭa kuṭṭa ṭṣṇā, mūloccheda ṭṣṇā, truṭane truṭane ṭṣṇā, ūṣuḥ ūṣuḥ ṭṣṇā, yamin jyā yamin jyā ṭṣṇā kṣayaṃ-kare svāhā.

右誦咒三遍，結縷作七結繫腳。是咒能令諸失心者還得正念，滅姪慾火，除我慢結，三毒垢盡，自然清涼。若有精神，沈在無明重淵之下，久溺生死，不得出要，嗚呼！深可傷！若人心得醒悟，極自厭污，此是凡夫愚下鬼神畜生之所行處，非梵行所宜，非聖人所願，如此之人方可授與此陀羅尼。勿傳矯俗疑謗少信，縱持無驗，即轉退墮。若至誠誦者慾火漸盡，結使滅已，心得解脫，心解脫已，則得道果，是則神力功用，誠諦不虛。行此法者斷酒五辛血食，男子唯用九九八十一日，女子唯用七七四十九日，晝夜六時，勤心讀誦，燒沈水白檀香，散花供養十方諸佛。晝三夜三，慎勿廢忘，日數未滿，餘時之中，獨處山窟精舍，若聚落(即淨室)，四向遠人，當深生欣躍，自發慶幸，今我遭遇大聖神力，此身宜至佛身，不懼淪溺。如是淨心念念信向，斷諸惡作，轉雜言論離間之語，不念名利，如是日數足已，決定解脫，其心泰然，無復欲慢。

轉譯自：

《文殊菩薩獻佛陀羅尼名烏蘇吒》(一卷)。《大正新修大藏經》第二十卷密教部三第七七八頁上。藏經編號 No. 1178.

參考：

《文殊師利菩薩所說經》。《大正新修大藏經》第二十一卷密教部四第五四三及五四四頁上。藏經編號 No. 1332.

